

卷一

書名 附釋音周禮註疏四十二卷 元刊明修本
 撰者 漢 鄭玄 注, 唐 陸德明 音義, 唐 賈公彥 疏
 卷一
 內容分類 經-禮-周禮-唐
 索書號 貴重-2
 編號 A189100

彩色首頁1

東洋文化研究所漢籍目錄 編號: A189100
 東洋文化研究所漢籍目錄所載漢籍善本文影像資料庫 索書號: 貴重-2
 漢籍善本文影像資料庫文本附釋音周禮註疏四十二卷 元刊明修本
 版權所有: 東京大學 東洋文化研究所
 使用上的注意事項

附釋音周禮註疏卷第一

朝散大夫行太學博士弘文館學士臣賈公彥等奉

勅撰

國子博士兼太子中允贈齊州刺史吳縣開國男臣陸德明釋文

天官冢宰第一

陸德明音義曰本或作冢宰上非餘卷放此

疏

天官冢宰鄭曰

象天所立之官冢大也宰者官也天者統理萬物天子
 宰使掌邦治亦所以惣御衆官使不失職不言司者大
 冢衆官不主一官之事也。釋曰鄭云象天者周天有
 六十餘度天官亦惣攝三百六十官故云象天也云官
 是管攝為號故題曰天官也鄭又云冢大宰官也者下
 大宰則云冢者大之上此不謂大宰故云冢大也宰者
 應差之名此冢宰亦能調和衆官故號大宰之官鄭又
 言司者大宰惣御衆官不主一官之事者此官不言司
 言司此天官則兼攝羣職故不言司也若然則春官亦不言

周禮者乃周公致太平之迹故能吞林碩
之論難使周禮義得條通故鄭氏傳曰玄
以為括囊大典網羅衆家是以周禮大行
後王之法易曰神而化之存乎其人此之
謂也

附釋音周禮註疏卷第一

朝散大夫行太學博士弘文館學士臣賈彥等奉

勅撰

國子博士兼太子中允贈齊州刺史吳縣開國男臣陸德明釋文

天官冢宰第一

陸德明音義曰本或疏天官冢

錄云象天所立之官冢大也宰者官也天者統理萬物天子
立冢宰使掌邦治亦所以惣御衆官使不失職不言司者大
宰惣御衆官不主一官之事也釋曰鄭云象天者周天有
三百六十餘度天官亦惣攝三百六十官故云象天也云官
者亦是管攝爲號故題曰天官也鄭又云冢大宰官也者下
註對大宰則云冢者大之上此不對人宰故云冢大也宰者
調和膳羞之名此冢宰亦能調和衆官故號大宰之官鄭又
云不言司者大宰惣御衆官不主一官之事者此官不言司
對司徒司馬司寇司空皆云司以其各主一官不兼羣職故
言司此天官則兼攝羣職故不言司也若然則春官亦不言

司者以其祭祀鬼神非人所主故亦不言司也其地官
鄭云象地所立之官彼言象地實主地事此天官言天直取
摠攝為言全無天事又並入於春官者言象天自取摠
攝為名象地自取摠物為號各取一邊為義理無嫌也○第
一者第次也一者數之始也次第之中處一故云第一也鄭
氏者漢大司農比海郡鄭冲之孫名玄字康成註者於經之
下自註已意使經義可申故云註也孔君王肅之等則言傳
傳者使可傳述若然或云註或言傳不同者立意有異無義

周禮

鄭氏註

惟王建國

惟王建國也周公攝而作六典之職謂之周禮
居雒邑洽天下司徒職曰日至之景尺有五寸謂之地中
地之所合也四時之所交也風雨之所會也陰陽之所和也
然則百物阜安乃建正國焉○王如字于寶云王天子之號
三代所稱惟音洛水名也本作洛後漢都洛之陽改為雒景
京領反疏惟王建國○釋曰自此以下至以為民極五句
下皆同疏六官之首同此序者以其建國設官為民不異
故也王者臨統無邊故首稱惟王明事皆統之於王王既位
矣當擇吉土以建國為先故次言建國於中辯四方正宮廟

天官冢宰

之位復體國經野自近及遠也於是設官分職助理天
人取中以為治體列文先後次第應然其實建國之初豈未
設官分職也直以作序之意主在設官分職為民極耳故終
言之惟王建國者言惟謂若尚書云惟三月之類皆辭不為
義建立也惟受命之王乃可立國城於地之中必居地中者
案尚書康誥云惟三月哉生魄周公初基作新大邑于東國
洛鄭註云岐鎬之域處五岳之外周公於政不均故東行於
洛邑令諸侯謀作天子之居據鄭此言則文武所居為非地
中政教不均故居地中也案桓二年左氏傳云昔武王克商
遷九鼎於洛邑則居洛本是武王之意至成王周公時恐天
下為疑更與諸侯謀定之也若然五帝以降堯治平陽舜治
安邑唯湯居亳得地中以外皆不得地中以降堯治平陽舜治
者其時雖不得地中並在五岳之內又岐鎬處五岳之外此
在地中以周則不在五岳之內故鄭云岐鎬處五岳之外也
○註建立至國焉○釋曰云周公攝政六年制禮作樂頌謂之
周禮者案禮記明堂位云周公攝政六年制禮作樂頌謂之
於天下又案書傳亦云六年制禮作樂所制之禮則此周禮
也又云而作六典者下文大宰之職掌律邦之六典天官治
典之職也又云管邑於土中者即召誥云王來紹上帝自服

於土中是也又云七年致政成王者明堂位文必七年者洛
誥云誕保文武受命惟七年鄭註以文武受命七年而崩周
公不取過其數也又云以此禮授之使居雒邑治天下者此
鄭解周公制禮必兼言建國於洛邑之意案尚書洛誥云周
公曰孺子來相宅亂為四方新辟是使居洛邑也下云惠篤
叙無有讎自疾是授以此禮使行之也又案書傳云一年教
亂二年伐殺三年踐奄四年建侯衛五年管成周六年制禮
作樂七年致政成王鄭用此文則四年封康叔於衛為建侯
衛案康誥云周公初基作新大邑洛謂初為基址之處至五
年內營之是以書傳云五年管成周成周初與王城同時營則
政七年營洛邑與孔安國為營洛邑封康叔制禮作樂同時
先鄭註云土圭之長尺有五寸以夏至之日立八尺之表其
景適與土圭等謂之地中今潁川陽城地為然天地之所合
者則禮記郊特牲云天地合萬物生謂天地配合萬物以生
是也四時交者則尚書云宅南交孔云夏與春交舉一隅若
然則秋與夏交冬與春交可知也又云風雨之所會者謂若
禮記禮器云風雨時即謂風雨會時也陰陽之所和者謂若
昭四年申豐云冬無愆陽夏無伏陰二氣和順也然則百物
阜安者阜盛也然猶如是如是於地中得所故百物咸安也

天官冢安


是也鄭引此者破賈馬之徒建國為諸侯國此六官同序皆
云建國豈王國未立先辨方正位辨別也鄭司農云別
建諸侯國乎明不可也辨方正位辨別也鄭司農云別
南面臣北面之屬玄謂考工匠入建國水地以縣置業以縣
視以景為規識日出之景與日入之景畫參諸日中之景夜
考之極星以正朝夕是別四方召諸曰越三日庚戌太保乃以庶殷
至于維下宅厥既得卜則經營越三日庚戌太保乃以庶殷
攻位於維納越五日甲寅位成正位謂此定宮廟也辨本亦
作辯徐逸劉昌宗皆方充友一音平勉反別被列反下同縣
音玄下同繫魚列反下同召誥上上疏謂辨方正位之辨別
詔反下古報反大音泰納人統反謂辨方正位之時辨別
也先須視日景以別東西南北四方使有分別也正位者謂
四方既有分別又於中正宮室朝廷之位使得正也註辨
別至宮廟釋曰辨別也此直訓不釋者司農云別四方義
當矣故康成訓之也鄭司農者鄭衆字仲師但周禮之內鄭
康成所存註者有三家司農之外又有杜子春鄭大夫者鄭
少贛二鄭皆康成之先故言官不言名字杜子春非已宗故
指其名也司農云正君臣之位若南面臣北面之屬者案易
緯乾鑿度云不易者天在上地在下君南面臣北面父坐子

伏司農據而言焉玄謂者大略一部之內鄭玄若在司農諸家上註者是玄註可知悉不言玄謂在諸家下註者即稱玄謂以別諸家又在諸家前註者是諸家不擇者也又在諸家下註者或增成諸家義則此司農云別四方於文不足引考工記以證之是也或有破諸家者則此司農正位謂正君臣面位引召誥為宮室朝廷之位破之是也考工匠人建國水地以縣縣者謂水平之法在地曰縣以繩縣於樂上然後從傍以水望縣即知地之高下而平之也又云置樂以縣者既平得地欲正其東西南北之特先於中置一樂恐樂下不正先以縣正之樂正乃視以景景謂於樂端自日出畫之以至日入即得景為規識之故云為規識日出之景與日入之景規之交處即東西正也又於兩交之間中極之指樂又知南北正也仍恐不審畫參諸日中之景夜考諸北極之星以正朝夕乃審矣引召誥以下者案召誥惟大保先周公相宅越若來三月惟丙午越三日戊申太保朝至于洛汭卜宅此言越三日戊申者從三月丙午越明生之各月三日也則越三日戊申月五日召公至洛汭也又云越三日庚戌太保乃以廢殺攻位于洛汭月七日也越五日甲寅位成月十一日也皆通本數之也宮室朝廷之位皆成也引之者證正位謂此宮室位破司農為君臣父子之位以其國家草創下論

國經野理應先定宮廟等位豈有宮廟等位未成先正君臣面位乎又與匠人建國次第不合故鄭依匠人之次及召誥之文為定宮室之位案左氏莊公傳云水昏正而我知是十月始興土功今於三月為洛邑者左傳用十月是尋常法今建王城康述先君之志是與體國經野為之里數鄭司農云營國方九里國中九經九緯左祖右社面朝後市野則九夫為井四井為邑之屬是也體鄭云體猶分也于寶云體形體朝體國經野。釋曰體猶分也國謂城中也分直遠反疏國城之中為九經九緯左祖右社之屬經謂為之里數此野謂二百里以外三季采地之中有井田之法九夫為井并方一里之等是也。註體猶至是也。釋曰言體猶分者謂若人之手足分為四體得為分也經謂為之里數者此據野中而有井方一里之等故經為里數解之司農云營國方九里已下並冬官考工記匠人云營國方九里旁三門旁謂四方方三門則王城十二門門有三道三三而九則九道南北之道謂之經東西之道謂之緯經緯之道皆九軌又云左祖右社者此據中門外之左右宗廟是陽故在左社稷是陰故在右面朝後市者三朝皆是君臣治政之處陽故在前三市皆是貪利行刑之處陰故在後也又言野

則九夫為井此是地官小司徒職文彼云乃井牧其田野九夫為井四井為邑四邑為丘四丘為甸四甸為縣四縣為都也井方一里邑方二里丘方四里甸方八里縣方十六里都方三十二里引彼文略故云之屬兼之也案載師職云家邑任稍地小都任縣地大都任置地是畿內鄉遂及四等公邑皆為溝洫法無此方里為井之事家邑小都大都三等未地乃有方里為井之屬但郊外曰野大惣言耳散文國外則曰野故鄉大夫職云國中七尺野自六尺是城外則經中野對鄭據小司徒成文而言

設官分職 鄭司農云置冢宰寇司空各有所職而百事舉 **疏** 設官分職。釋曰既體國經野此須立職而百事舉。釋曰此謂設天地四時之官即六卿也既有其職至事舉。釋曰此謂設天地四時之官即六卿也既有其官須有司職故云各有所職職謂主也天官主治地官主教春官主禮夏官主政秋官主刑冬官主事六官官各六十則合有三百六十官官各有主故云百事舉 **以為** 民極 極中也令天下之人各得其 **疏** 以為民極。釋曰則亂是以立君治之君不獨治也又當立臣為輔極中也言設官分職者以治民令民得其中正使不失其所故也。註



極中也至其所。釋曰極中也爾雅文案尚書洪範云皇建其有中極惟時厥庶民於汝極謂皇建其有中之道庶民於之取中案尚書洪範云皇建其有中乃立天官冢宰使帥極於下人各得其中不失所也

其屬而掌邦治以佐王均邦國 掌主也邦治王

佐猶助也鄭司農云邦治謂總六官之職也故大宰職曰掌建邦之六典以佐王治邦國六官皆總屬於冢宰故論語曰

君薨百官總已以聽於冢宰言冢宰於百官無所不主爾雅曰冢大也冢宰大宰也。鄭云宰主也于云濟其清濁和其

剛柔而納之中和曰宰治直吏反註邦 **疏** 乃立至邦國。治下治官皆同大宰音泰註及後放此 **疏** 乃立至邦國。乃立者以作序之由本序設官之意故先云以為民極次云

所設之官故皆云乃立騰上起下之辭也天官冢宰者據下註而言則此言冢宰者據總攝六職若據當職則稱大宰也

使帥其屬案小宰六屬而言則此屬唯指六十官之屬也掌邦治者掌主也言主治則兼六官以其五官雖有教禮政刑

事不同皆是治法也云佐王均邦國者以大宰掌均節財用故也周禮以邦國連言者據諸侯也單言邦單言國者多據

王國也然不先均王國而言均邦國者王之冢宰若言王國

襄新月文 司允一 陸基印

恐不兼諸侯今言邦國則舉外可以包內也○註掌主至宰也○釋曰云云邦治王所以治邦國也者此即同農所引大宰職佐王治邦國一也但司農雖引之不指釋此經邦治故玄就足之同農引論語者欲見天子冢宰兼百官之義言百則三百六十亦一也且論語言君薨據諸侯言冢宰百官據天子互言之者欲見天子諸侯君死世子居喪使大臣聽政同也冢宰大宰

治官之屬大宰卿一人小宰中

大夫二人宰夫下大夫四人上士八人中士

十有六人旅下士三十有二人

謂之冢列職於王則稱大冢大之上也上頂曰冢旅衆也下

士治衆事者自大宰至旅下士轉相副貳皆王臣也王之卿

六命其大夫四命士以三命而下為差○貳徐音二

疏治官至二人○釋曰上經所

有尊卑多少轉相副貳之事也言治家之屬者此為六十官

之首別言治官之屬一句與下六十官為目以總是治官不

釋雅指此一經至旅下士三十有二人而已凡官尊者少卑

者多以其卑者宜勞尊者宜逸是以下士稱旅以其理衆事

故特言旅也小宰與大宰同名大小為異故鄭注禮記王制

引此六卿下中大夫十二人為十二小卿以其宰夫是大宰

之考謂若地官之考為鄉師春官之考為肆師夏官之考為

軍司馬秋官之考為士師冬官之考為匠師以其掌事不與

大官同故異大官也宰者調和之名夫者治也以其治此

官所主事也○註變冢至為差○釋曰變冢言大者上唯云

冢宰此唯云大宰是變冢言大也云進退異名者即百官總

焉謂貳王治事總攝三百六十官則謂之冢是進退異名也列

職于王則謂之大者不總百官與五卿並列各自治六十官

則退異名也若然總百官則稱冢以其天官象天覆萬物案

經大宰職曰凡邦之小治冢宰聽之是專國小治而稱冢也

司書職曰掌六典八法八則之貳以詔王及冢宰是貳王事

惣衆職而稱冢也又宰夫職曰乘其財用之出入凡失財用

物辟名者以官刑詔冢宰而誅之是惣衆官誅賞而稱冢也

又司會職曰以周知四國之治以詔王及冢宰廢置是惣四

國之治而稱冢也若主當官不兼他職則言大者謂若下文

大喪贊贈玉含玉賓客贊玉几玉爵祀五帝則流下如此之

類與諸官並有事則稱大也云冢大之上也者以其大宰與

五官同名大今又別稱冢是冢在大之上也又引爾雅山頂

曰冢者欲見山則大矣冢又在頂證冢在大上之意也又云

五

五

五

五

五

五

五

旅衆也下士治衆事者欲見尊官逸甲官勞之意也又云自
大宰至旅下士轉相副貳皆王臣也者大卿一人小卿則二
人已下皆去上一倍者是轉相副貳也言王臣者自士以上
得王簡策命之則爲王臣也對下經府史胥徒不得王命官
長自辟除者非王臣也又云王之卿六命其大夫四命者典
命文大夫無中下之別案序官則有中下大夫則四命大夫
自分爲中下似若侯伯同七命子男同五命爵則有高下不
同也士以三命爲差但典命直見公卿大夫命者欲見有出
封之事故彼云其出封皆加一等士爵卑無出封之理故不
言也彼士之命數旣不言知三命以下者正見序官有上七
中士下士三等典命除六命四命無三命二命一命鄭則約
之上士爲三命中士爲再命下士爲一命若然王朝三公八
命卿六命大夫四命皆爲陰爵以待出封爲諸侯乃爲陽爵
九命七命五命士旣不得出封故在王朝有三命一命亦爲
陽爵無
嫌也

府六人史十有二人

府治藏史掌書者凡府
史皆其官長所自辟除

疏 府至二人。釋曰府治府藏史主造文書也。註府治
至除。釋曰案下宰夫八職云五曰府掌官契以治藏
六曰史掌官書以贊治故鄭云府治藏史掌書又云官長所
自辟除者官長謂一官之長若治官六十其下府史皆大宰

天官冢宰

辟召除其課役而使之非王臣也周禮之內府史大例皆府
少而史多而府又在史上唯有御史百有二十人特多而在
府上鄭云以其掌贊書數多也又有府兼有史以其當職專
繁故也或空有史而無府者以其當職事少得史即足故也
至於角人羽人等直有府無史以其當職文書少而有稅物
須藏之故直有府也膳人食醫之等府史俱無者以其專官
行事更無所須故也周禮之內唯有天
府一官特多於史以其所藏物重故也

胥十有二人徒

百有二十人 此民給徭役者若今衛士矣胥讀如諧謂
其有才知爲什長。胥鄭徐劉思叔反咸

疏

胥十至十人。釋曰胥有才智爲什
長徒給使役故一胥十徒也。註此

思餘反下皆同徭
音遙胥劉思叔反
民至什長。釋曰案下宰夫八職云七曰胥掌官叙以治叙
八曰徒掌官令以徵令鄭云治叙吹序官中如今待曹伍伯
傳吏朝也徵令趨走給召呼案禮記王制云下士視上農夫
食九人祿足以代耕則府食八人史食七人胥食六人徒食
五人祿其官並亞士故號庶人在官者也鄭云若今衛士者
衛士亦給徭役故舉漢法況之又云胥讀如諧謂其有才智
爲什長者案周室之內稱胥者多謂若大胥小胥胥師之類
雖不爲什長皆是有才智之稱彼不讀從諧謂從此讀可知唯

有追胥胥是伺博盜賊非有才智也易歸妹六二以須註云
須才智之稱天文有須女屈原之姊名女須彼須字此與異
者蓋古有此二字通用俱得為有才智也周禮上下文有胥
必有徒胥為什長故也胥人之類空有徒無胥者得徒則足
不假長帥故也食醫之類胥徒並
無者以其專官行事不假胥徒也

宮正上士二人中士四人下士八人府二人

史四人胥四人徒四十人正長也宮正主官中官之長。宮正北以下

則各於其職前列之疏宮正至十人。釋曰上大宰至旅

正已下至夏米六十官隨事緩急為先後故自宮正至宮伯

二官主宮室之事安身先須宮室故為先也自膳夫至膳人


皆供王膳蓋飲食饌具之事人之處世在安與飽故食交官

室也自醫師已下至獸醫主療疾之事有生則有疾故醫次

養身故交酒肴也自掌舍至掌次安不忘危出行之事故又

積或出或內宜計會之故相次也自內宰至僕人陳后夫人

天官冢宰



已下內教婦功婦人衣服之事君子明以訪夜以安息也

北宮正并下宮伯雖俱訓為長其義則異若宮正則主任三

之官府故宮伯所掌者亦掌之故言正長也宮伯云長者直

主宮中卿大夫士之適子庶子行其秩叙授其舍次之事亦

得為長故云伯長也宮正上士二人為官首中上四人為之

佐下士八人理眾事府二人主議文書也史四人主作文書

胥四人為什長徒四十人給係役諸官體則言府史胥徒之

義皆然不可文重釋他皆放此周禮之內宗伯之類諸言

伯者伯長也以尊長為名縣師之類言師者皆取可師法也

諸稱人者若輪人車人腊人臘人之類即冬官鄭云其曰某

人者以其事各官言氏者有一種謂若桃氏為劬葉氏為削

之類鄭註冬官族有出業以氏名官若馮氏保章氏師氏

保氏之類鄭注引春秋官有出功則有官族是也諸稱司若

司表司市之類言司者皆專任其事事由於已故以同言

之也諸典婦功典絲典泉之類言典者出入由已課彼作人

故謂之為典也諸稱職者謂若職幣職內職歲財不夕停職

之而已凡云掌者有三義一者他官供物已則暫掌之而已

若幕入供帷幕帳帟掌吹張之也二則掌微斂之官若掌皮

掌染草之類是也三者掌非已所為則掌節掌固掌疆本非已造廢壞修之而已也自外不稱典司職掌者皆是逐事立名以義銓之可曉也凡六官序官之法其義有二一則以造類相從謂若宮正宮伯同王宮中事膳夫庖人外內饗同主造食如此之類皆是類聚羣分故連類序之二則凡次序六等大夫官為後也

宮伯中士二人下士四人府一人史二人胥

二人徒二十人伯長也

膳夫上士二人中士四人下士八人府二人

史四人胥十有二人徒百有二十人膳之言善也今時美

物曰珍膳膳夫食官之長也鄭司農以詩說之曰仲允膳夫膳上戰反疏釋曰言膳夫食官之長者謂與下庖人內外饗亨人等為長也司農引詩云者是小雅刺幽王詩膳夫仲允為之引證與此膳夫為一事也

天官家宰

庖人中士四人下士八人府二人史四人賈

八人胥四人徒四十人庖之言苞也裹肉曰苞首賈主市買知物賈○庖徐扶交

反賈八人鄭徐音古劉音嫁下放此裹音果首子餘反物賈音嫁疏曰言庖者今之厨轉

作包者欲取庖人主六獸六禽以供庖厨有裹肉之意也又云裹肉曰包首者詩云野有死麕白茅包之禮記內則云炮

取豚若將編萑以首之皆是裹肉之物故云裹肉曰包首也又云賈市買知物賈者下文九職鄭註行曰商處曰賈賈乃

在市而處者故知物賈此特有賈人者庖人牲當市之故也

內饗中士四人下士八人府二人史四人胥

十人徒百人饗割亨煎和之稱內饗所主在內○饗鄭於容反身戚普庚反劉普孟反稱尺盥反

疏註饗割至在內○釋曰饗和也熟食曰饗熟食須調和故號曰饗其職云掌王及后世子之割亨割亨則須煎和故云割亨煎和之稱又云所主在內者以其掌王及后世子及宗廟皆是在內之事

妻折月交 同流 水重交 會春

外饗中士四人下士八人府二人史四人胥
十人徒百人外饗所主在外**疏**註外饗所主在外。釋曰案其職云掌外祭祀及邦饗孤子蒼老割亨皆是在外之事故云所掌在外也。此饗有內外可對故云內外饗至於內宰內豎內司服自掌婦人之事而稱內不對外為名也。

亨
反普
亨

亨人下士四人府一人史二人胥五人徒五

十人主為外內饗煮肉者。亨劉**疏**註主為至肉者。普庚反為于為反下為主同**疏**釋曰其職云給外

內饗亨事故云為外內饗煮肉也

甸師下士二人府一人史二人胥三十人徒

三百人郊外曰甸師猶長也。甸師主共野物**疏**註郊外官之長。甸田通反共音恭下皆同**疏**註郊外

釋曰案戴師云任近郊遠郊之地次即云公邑之田任甸地甸地即在百里遠郊外天子藉田又在南方甸地故稱此官

為甸師也。然此官主地事不在地官者以其供野之薦又給
薪蒸以供亨。雖故在此次。亨人也。又云主供野物官之長或
云與地官掌葛掌炭掌蜃委人等同掌供野物。故與彼官為
長。若然彼屬地官。此屬天官。越分相領。恐理不愜。此甸師當
與下獸入已下亦供野物為長也。故下數職註不言長。明甸
師與之為長。但獸人等中士此為下士。下士得與中士為長
者。如大史下大夫內史中大夫鄭云大史史官之長。彼下大
夫與中大夫為長。此下士亦與中士為長。有何嫌也。徒三百
人。特多者。天子藉田千畝。藉
借此三百人耕耨故多也。

獸人中士四人下士八人府二人史四人胥

四人徒四十人**疏**獸人。釋曰案其職云掌豎田獸冬獸狼夏獸麋共膳羞故在此也。

敷人中士二人下士四人府二人史四人胥

三十人徒三百人敷音魚本又作魚**疏**敷人。亦作敷同。又音御。釋曰案

其職云掌以時敷為梁春獸王鮪亦供魚物故在此也。徒亦三百人者馬融云池塞苑園取魚更多故也。

酒人奄十人女酒三十人奚三百人奄精氣

今謂之宦人月令仲冬其器闕以奄女酒女奴曉酒者古者

從坐男女沒入縣官為奴其少才知以為奚今之待史官婢

或曰奚官女。奄於陰反劉於驗反徐。疏酒人至百人。

於劬反奚如字又胡天反坐才即反。疏酒人至百人。

其與女酒及奚同職故用奄人奄不補士則此奄亦府史之

類以奄為異也言女酒三十人則女酒與奚為什長若胥徒

也奚三百人以其造酒故須人多也。註奄精至百女。釋

曰察月令冬三月皆云其氣閉以奄獨引仲冬者以其十一

月一陽爻生以其奄人雖情氣閉載猶少有精氣故也又云

女酒女奴曉酒者云云鄭依秋官司厲從坐男女沒入縣官

為奴則奴者男女同各以其曉解作酒有才智則曰女酒其

天官家第

將人奄五人女漿十有五人奚百有五十人

復重釋之也詩史官婢與漢法言之又云或曰宦女者時

有此別號按左氏晉惠公之女各妾稱為宦女謂宦事秦公

子亦云宦女也

凌人下士二人府二人史二人胥八人徒八

十人凌冰室也詩云二之日鑿冰沖沖三之日

人。釋曰凌人在此者案其職云掌供王

者○釋曰凌人在此者案其職云掌供王

奄精氣

閉載者

古者

史官

婢

者

古者

史官

婢

者

古者

史官



知竹曰蔓者更無異文見竹下為之即知以竹為之故云竹曰蔓也

醢人奄一人女醢二十人奚四十人醢豆實也

此主醢豆不盡于醢也女醢女奴疏案其職云掌四豆之

賤醢者。醢呼在反盡津忍反疏案其職云掌四豆之

實亦是薦羞故在此也。註醢且至醢者。釋曰云不謂之

豆者決上蔓人。不以蔓中之實為名而以蔓為官號此即以

豆中之實為官號不謂之豆人。此是問辨鄭還自谷且。不盡

於醢者其且之所盛非止此職中四日之實而已。天子百

一十上公豆四十侯伯豆三十二子男豆二十四上大夫二

十下大夫十六彼有脚腫腕餓炙膾之屬其數其多是且。不

盡盛醢而已。若言且人恐彼並掌之此醢人惟掌

此四且之實而已。故不得言且人而言醢人也

醢人奄二人女醢二十人奚四十人女醢女

者。醢本又疏醢人。釋曰醢人在此者案其職云掌醢

作醢呼西反疏五齊七道以供醢物則與醢人職通醢人

惟主作醢但成齊道必須醢物乃成

故醢人兼言齊道而連類在此也

醢人奄二人女醢二十人奚四十人女醢女

疏醢人。釋曰在此者案其職云掌醢之政令以供百

事之醢醢所以調和上食之物故亦連類在此也

冪人奄一人女冪十人奚二十人冪女冪女奴

曉冪者。冪。釋曰冪人在此者案其職云掌供

冪莫歷反疏供中冪所以覆飲食之物故次飲食後

冪人。釋曰宮人在此者案其

禮記

卷一

天官冪宰



醢人奄二人女醢二十人奚四十人女醢女

疏醢人。釋曰在此者案其職云掌醢之政令以供百

事之醢醢所以調和上食之物故亦連類在此也

冪人奄一人女冪十人奚二十人冪女冪女奴

曉冪者。冪。釋曰冪人在此者案其職云掌供

冪莫歷反疏供中冪所以覆飲食之物故次飲食後

冪人。釋曰宮人在此者案其

掌舍下士四人府二人史四人徒四十人行舍

所解止之處疏掌舍至十人。釋曰云在此者案其職云

解佳賣反疏掌王之會同之舍設牀牀重亦是安王

身之事故亦在此。註舍行至之處。釋曰案其職云設車

宮壇壝宮帷宮之等並是解脫止息之處故云解止之處也

幕人下士一人府二人史二人徒四十人幕

覆上者。疏幕人至十人。釋曰在此者案其職云掌帷幕武侍反。疏幕帷帟綬之事亦是安王身之事故在此也。

注幕帷覆上者。釋曰案下職中鄭注云在旁曰惟在上曰幕是其幕乃帷之覆上者也。

掌次下士四人府四人史二人徒八十人自

脩止。疏掌次至十人。釋曰在此者案其職云掌王之

之處。疏法以待張事幕人供之掌次張之故連類在此也。注次自脩止之處。釋曰案其職云張大次設重帟重案皆自脩止故云自脩止之處也。

大府下大夫二人上士四人下士八人府四

人史八人賈十有六人胥八人徒八十人府大

為王治藏之長。疏大府至十人。釋曰在此者案其職云若今司農矣。疏掌大賈九賦受其貨賄之入頗其貨賄于諸府之事案尚書洪範云一曰食二曰貨已上皆言飲食此大言貨賄故大府在此也有賈者府官須有市買井須知

天官家宰

物貨善惡故也。注大府至農矣。釋曰大府與下諸府官為長故以大夫為之云若今司農矣者漢時司農主治藏故史游章云司農少府國之淵。

玉府上士二人中士四人府二人史二人工

八人賈八人胥四人徒四十有八人工能攻

玉府至八人。釋曰玉府在此者案其職云掌玉之金玉玩好兵器凡良貨賄之藏以玉為主故與大府同在此有工入人者以其使攻玉故也有賈者使辨玉之善惡貴賤故也。注工能攻玉者。釋曰工謂作工案詩云他山之石可以攻玉故

內府中士二人府一人史二人徒十人內府主

藏在此者。疏內府。釋曰內府在此者案其職云掌九

賄呼罪反。疏貢九賦九功之貨賄良兵器故在此也。

外府中士二人府一人史二人徒十人外府主

泉藏在此

外府至十人。釋曰外府在此者案其職云掌邦布者疏之出入以共百事故在此也。注外府至外者。釋曰泉布本是外物無在內府故對內府為外也。

司會中大夫二人下大夫四人上士八人中士十有六人府四人史八人胥五人徒五十人。會大計也司會王天下之大計計官之長若今尚書。會古外反注同尚音常。疏司會至十

在此者案其職云掌邦之六典八法八則之貳以逆邦國都鄙官府之治王天下大計貨賁亦須計會故與大府連類在此也。注會大至尚書。釋曰言會大計者案掌夫職曰計曰成月計曰要歲計曰會故知會大計也云王天下之計者其職云逆邦國都鄙官府是句考備天下云若今尚書者漢之尚書亦主大計故舉以况之也。

司書上士二人中士四人府二人史四人徒八人。司書主計會之簿書。疏主司書至簿書。釋曰司書主計會之簿書。司書在此者會計之事。

美官家

司書主之故其職云凡上之用財用必攷于司會故連類在此也。注言簿書者古有簡策以記事若在君前以笏記事後代用簿簿今手版故云。吏當持簿簿則簿書也。

職內上士二人中士四人府四人史四人徒二十人。職內士入也若今之泉所疏職內至十人。釋曰謂之少內。少詩照反。疏曰在此者案其職

云掌邦之賦入辨其財用之物而執其總入太府者皆由職內亦有府義故鄭云受藏之府若職內故其職在此也。注若今至少內。釋曰漢之少內亦主泉所入案王氏漢官解云小官嗇夫各擅其職謂倉庫少內嗇夫之屬各自擅其除

職歲上士四人中士八人府四人史八人徒二十人。主歲計以歲斷。疏職歲。釋曰在此者案其職

斷一歲之財出賜之數以待會計而考之也。斷一歲之財出賜之數以待會計而考之也。斷一歲之財出賜之數以待會計而考之也。

職幣上士二人中士四人府二人史四人賈

四人胥二人徒二十人疏職幣。釋曰在此者案其

職云掌式法以斂官府節與凡用邦財者之幣以待上之賜子與職歲通職故連類

在此也若然此三職皆有府義不得各府者以財不火博故也

司裘中士二人下士四人府二人史四人徒

四十人疏司裘。釋曰在此者案其職云掌為

大裘并掌皮亦有此府義故在此掌皮。釋曰在此者案其職云掌私斂皮

冬斂革春獻之亦有府義故連類在此也

內宰下大夫二人上士四人中士八人府四

人史八人胥八人徒八十人疏內宰

天官象

內宰。釋曰各內宰者對大宰治百官內宰治婦人之事故名

內宰然則大宰不稱外者為兼統內也案其職云掌治王內

之政令又教后已下婦德之事以王事少暇故次在此也○

注內宰至之長。釋曰內宰與下女史已下為長故鄭云宮

中官內小臣奄上士四人史二人徒八人疏其服位案夏官大僕職云出入王之命正

此小臣侍后職與大僕侍王同亦是佐后之事故在此用奄

者以其所掌在內故。注奄稱士者異其賢。釋曰案上酒

人對人等奄並不稱士則非士也獨此云以其有賢行命為

士故稱士也案詩巷伯奄官也注云巷伯內小臣小臣於宮

中為近故謂之巷伯必知巷伯與小臣為一人者以其俱名

奄又言巷亦宮中為近又稱伯長也內小臣又稱士亦是長

義故知一人也闈人王宮每門四人圍游亦如之闈人司昏晨

人墨者使守門圍飾苑也游離宮也闈人至如之○釋

守中門之禁王宮在此故亦在此周禮之內有同官別職則此關人每門及周遊同各關人而職別山虞澤虞云每夫澤大山及川衡林衡亦是別職同官也別官同職者有官連耳○注關人至宮也○釋曰云關人司昏晨以啓閉者此釋名關人之意昏時閉門則此名關人也晨時啓門則論語謂之晨人也皆以時事名耳又云刑人墨者使守門此秋官掌戮職文鄭彼註云黯者無妨於禁禦欲使守門察其職云掌守中門之禁言中門則唯雉門耳而言每門者彼言中門摺有禁守者言之其實王之五門皆使墨者守之或解以爲王有五門四面皆有中門故言每門義亦通也案禮記云古者不使刑人守門被鄭注謂夏殷時公羊云關殺吳子餘祭近刑人輕死之道被據人君加之寵故云近刑人輕死之道若君有防衛不親近則非近刑人其刺者使守關以其醜惡遠之不得約彼即以十二門皆使墨者也詩云昏昏椽椽共箋云皆奄人被摺后宮門故使奄者也又云園御苑者案詩云王在靈囿注所以養禽獸天子百里諸侯四十里案孟子齊宣王問孟子云文王之囿方七十里猶以爲小寡人囿方四十里猶以爲大何也孟子答文王之囿勿荒者往焉雉兔者往焉與民同之故以爲小不亦宜乎君之囿民殺其麋鹿者如殺人之罪民以爲大不亦宜乎則文王之囿方七十里者天

天官冢宰

於諸侯小於天子故也白虎通又云天子百里大國四十里次國三十里小國二十里與孟子不同者白虎通細別言之也又云游離宮者周是大苑其門皆使閹人守之也此離宮即園游之獸禁故彼鄭云謂園之離宮小苑觀處也或以爲游亦謂城郭中與公所爲者也

寺人王之正內五人

寺之言侍也詩云寺人孟正內路寢

疏至五人

人○釋曰在此者案其職云掌王之內人及女宮之戒令故在此○註寺之至路寢○釋曰云寺之言侍者欲取親近侍御之義此奄人也知者見僖二十四年晉文公既入呂卻欲焚公宮寺人披請見公使讓之且辭焉披曰齊相公置射鉤而使管仲相君若易之行者甚衆豈唯刑臣披寺人披自稱刑人明寺人奄人也若然寺人既掌內人不掌男子而秦詩云欲見國君先令寺人而掌男子者彼秦仲宣王命作大夫始大有車馬其官未備故寺人兼小臣是以寺人得掌男子詩云寺人孟子者引豎經寺人孟子同也又云正內路寢者寺人既不得在王之路寢而云內正五人者謂在后之路寢耳若王之路寢不得稱內以后宮故以內言之故先鄭下注后六宮前一後五前一則路寢

內豎位寺人之數
豎未冠者之官
疏
內豎至之數

案其職云掌內外之通令凡小事故與寺人連類在此也○
註豎未至官名○釋曰春秋左氏傳叔孫穆子幸庚宗婦人
而生牛以為豎官則亦童豎未冠者必使童子為之者鄭於
其職注云使童豎通王內外之命給小事者以其無與為禮
疾也

九嬪
嬪婦也昏義曰古者天子后立六宮三夫人九嬪二

嬪婦也昏義曰古者天子后立六宮三夫人九嬪二
順故天下內和而家理也不列夫人于此官者夫人之於后
猶三公之於王坐而論婦禮無官職○嬪符真反治直吏反

疏
九嬪○釋曰在此者以其有婦德其職云掌婦學之法

職○釋曰引昏義者彼是周之婦官之數與此經婦人數同
故引以為證案禮記上檀弓云舜葬蒼梧蓋二妃未之從葬
註云帝嚳而立四妃象后妃四星其一明者為正妃其三小
者為次妃帝嚳因焉至舜不告而娶不立正妃但三夫人
已夏后氏增以三三而九為十二人殷人又增以三九二十七
合三十九人周人上法帝嚳而立正妃又三二十七為八

天官家宰

十一人以其增三十九并后合百二十一入其位后也夫人也
九嬪也二十七世婦也八十一女御也又云不列夫人于此

惟有不列也下是無三夫人之數也又云夫人之於后猶三
公之於王坐而論婦禮無官職者謂三百六十官無三公之

官案大司徒職云二卿則公一人而注云三公者內與王論
道中參六官之事外與六卿之數又案冬官考工記云坐而

論道謂之王公註云天子諸侯然則云
道無正職故云中參外與而已三夫人亦當
無官職故
不列之也

世婦
不言數者若子不苟於色
疏
註不言至則闕○釋

世婦
掌祭祀賓客喪化帥女宮而翟既設亦在此九嬪官
婦女御不言數者君子不苟於色有婦德乃

云君子者謂若子為王乃能不苟於色也九嬪言
婦女御有德亦充若九嬪無德亦與世婦

其文令義
兩得見耳

女御
昏義所謂御妻
疏
註昏義至侍也○釋曰

女御
御猶進也侍也

為一物也又云御猶進也侍也者
王寧待息宴故女御職云掌御又

進也
侍也

女祝四人奚八人

女祝女奴祝事者○
祝之六反則又之反

疏至八

人。釋曰在此者案其職云掌王后之內祭祀片內
事故在此也。註女祝至事者。釋曰言
者為之也

女史八人奚十有六人

女史女奴
曉音者

疏

女史。釋曰在此者

祭其職云掌王后之禮職內治之貳亦女奴曉
文者為之其職与王之大史掌禮同故在此也

典婦功中士二人下士四八**府二人**史四人

工四人賈四人徒二十人

典主也典婦功者主
婦人絲枲功官之長

疏

典婦。釋曰在此者案其職云掌婦式之儀以受鬻婦及天
人女功之事齋故鄭註云典主也典而功者主婦人絲枲功官之長

官之長其職中齋是也云賈四人者以
其絲枲京有善惡貴賤之事故須賈人也

典絲下士二人**府二人**史二人**賈四人**徒十

有二人**疏**

釋曰在此者案其職云掌絲入而辨其物頒
絲于外內工皆以物授之因婦功亦在此也

典枲下士二人**府二人**史二人**徒二十人**

絲里。釋曰案枲也案枲麻也案枲麻者案麻也
反。則案是雄麻對首是麻之有首實者也在於此者與
典婦功亦連類在此也

內司服奄一人女御二人**奚八人**

內司服主官
中裁縫官之

長有女御者以衣服進或當於王廣其禮
使無色過。縫威奉容反徐扶用反下同

疏

內司至八人
釋曰以其掌

后已下六服言內司服者非是對春官司服男子服為內也
是男子之物不言外者在於其常也故不須言外而自
顯但以婦人在內故婦人之事多言內若不言內無以得見
婦人之物不與春官司服同處者以從內官之例故在此有

奄一人者以其衣服事多須男子兼掌以與婦人同處故用奄也。○註內司服至色過。○釋曰言主宮中裁縫官之長者謂其下文縫人為長又云有女御者以衣服進或當於王其禮使無色過者以此女御還。○女御進衣者故與女酒女祝女史同號女也。○以衣服進謂進衣于王王見之或當王意廣其禮得與八十一女御同名欲見百二十人外兼有此女御之禮王合御幸之使王無淫色之過故名女御也。

縫人奄二人女御八人女工八十人奚三十人

人女工女奴曉裁縫者。○縫劉扶用反。疏縫人至十人。○釋曰在此者案王及后之衣服故在此也。奄二人亦是縫線事多須有男子故也有女御者義同於上也。有女工者謂女奴巧者鄭云曉裁縫者也。

染人下士二人府二人史二人徒二十人

如監反劉而儉反疏染人。○釋曰在此者案其職云掌染絲帛因婦人衣服故亦連類在此也。

天官冢宰

追師下士二人府一人史二人工二人徒四人

人追治玉石之名。○疏云掌王后之首服為副編次追

人追丁回反。一曰雕。疏云掌王后之首服為副編次追。○追琢其璋璋是玉為之則追與琢皆是治玉石之名也。若然男子首服在夏官弁師者以其男子是陽義又取夏時萬物長大長大乃冠故在夏官此婦人直取首服配衣故與衣連類在此。若然首反髮下者以冠履自相對不與服為先後故不在上也。

履人下士二人府一人史一人工八人徒四人

人具反。疏履人。○釋曰在此者案其職云掌王及后

追師專掌婦人首服此履人兼男子履。○馬在下體幾故男子婦人同在此官也。

夏采下士四人史一人徒四人

羽有雲氏以為綏後出或無故染鳥羽象而用之謂之夏采。○夏戶雅反。注同。翟雉各采如字或作菜。翟音狄。綏如誰反。

疏

夏采至四人。釋曰在此者其職云掌大喪以冕服復于大祖以乘車建綬復于四郊喪事是終故在未職也。註夏采至夏采。釋曰案爾雅云伊洛而南素質五采皆備成章曰澤江淮而南青質五采皆備成章謂之鷩此則夏翟之羽色也。又案禹貢徐州云羽畎夏翟是徐州貢夏翟之羽也。又云有虞氏以為綬者明堂位云有虞氏之絺夏后氏之綌注云有虞氏當言綌夏后氏當言絺彼據虞氏始有綌故云有虞氏以為綌也。又云後世或無者案冬官考工記有鍾氏染羽若有自然鳥羽何須染之乎故云後世或無則據此周時而言也。故染鳥羽而用之謂之夏采者夏氏五色也。此疏中註及彼註皆云綌謂註施於千首不云翟羽者蓋註文不具耳。

附釋音周禮註疏卷第一

天官冢宰

附釋立日周禮註疏卷第二

鄭氏註

賈公彥疏

大宰之職掌建邦之六典以佐王治邦國。一曰治典以經邦國以治官府以紀萬民。二曰教典以安邦國以教官府以擾萬民。三曰禮典以和邦國以統百官以諧萬民。四曰政典以平邦國以正百官以均萬民。五曰刑典以詰邦國以刑百官以糾萬民。六曰事典以富邦國以任百官以生萬民。
大曰邦小曰國邦之所居亦曰國典常也經也。禮也王謂之禮經常所秉以治天下也。邦國官府謂之禮。禮常所守以為禮式也。常者其上。下通名。擾猶馴也。統猶合也。